

Эстон родо-тукум калык-влак программын литератур премийже

Увертарымаш

Эстон родо-тукум калык-влак программын кангашыже да Финн-угор литератур-влак ассоциаций Тыланда кажне ийын ойырымо **урал йылме тўшкаш пурышо да шке кугыжнышдыме родо-тукум сылнымутчо, кусарыше да литературовед-влаклан Сылнымут премий нерген** увертарат.

Эстон родо-тукум калык-влак программын кангашыже Сылнымут премийым тыгай номинациялаште увертара:

1. сылнымутан прозо произведений (роман, новелле, ойлымаш);
2. сылнымутан поэзий произведений;
3. кусарыме произведений (роман, новелле пого, почеламут пого, пьесе, эссе пого, йоча книга - урал йылме-влак гыч кусарымаш сайраклан шотлалтеш);
4. йоча книга;
5. сылнымутшанче (литературоведений) произведений (сылнымут историй, литератур критике, эссе пого, публицистике);
6. драматургий произведений (пьесе, фильмлан сценарий, оперлан либретто).

Сылнымут премийын номинантше пытартыш ныл ий жапыште (2005-2008) книга семын (але – исключений семын – журналыште 30 лышташ деч шагалак огыл) савыкталтше иктаж урал йылмытўшка йылме дене возымо оригинальный сылнымутан прозо произведений, сылнымутан поэзий произведений, йоча книга, сылнымутшанче паша, драматургий произведений да сылнымутан произведенийын кусарымашыже лийын кертеш. **Премий урал йылме-влак дене возымо произведений-влаклан пуалтеш**, нунын литератур да йылме кўкшытышт, эксперт-влакын аклымышт почеш, ойыртемалтше лийшаш да шочмо йылмым аралаш, вияндаш полшышаш.

Кажне номинацийыште премийын кугытшо 20 000 эстон крон (55 000 тенге наре) да кажне номинацийыште премий правил семын ик еглан пуалтеш.

Премий 1-ше ноябрьын, удмурт сылнымутчо Кузубай Гердым лўымö кечым шарныме лўмеш, **увертаралтеш**.

Литератур премийым налаш тыршыше-влаклан увер:

Премийым налаш тыршыше пуышаш:

1. савыктыме произведенийжым 2 экземпляр дене;
2. 1-2 темлымашым (рекомендацийым) / эксперттын аклымыжым (эстонла, рушла але англичанла);
3. йодмашым (эстонла, рушла але англичанла), кушто тукымлўмым, лўмым да ачалўмым (да псевдонимым) ончыктымо, шочмо кечым, паша верым, мўнгысö да паша адресым да телефоным, тыгак, уло гын, премийым налаш тыршышын факсшым да электрон почтыжым;
4. ончыч савыктыме шке возымо да/але кусарыме произведений-влак спискым (эстонла, рушла але англичанла);

Жюри Литератур премийм налаш тыршыше-влакын йодмашыштым ийлан ик гана онча. Кўлеш произведений да документ-влакым **1 сентябрь марте Родо-тукум калык-влак программе Кангашлан** тыгай адрес дене колтыман:

Hõimurahvaste Programmi Nõukogu sekretariaat

Soome-ugri osakond, Ülikooli 18, Tartu 50090, Eesti

Темлымаш-влакым, йодмашым да произведений-влак спискым йөн уло гын kadi.sarv@ut.ee электрон адрес але +372 7 375 222 але +372 7 376 216 факс дене колташ йодына.

Чыла кўлеш документ-влак компютер але печатлыме машин дене возымо лийшаш улыт.

Ешартыш информацийым +372 - 6 013 074; +372 - 51 107 94 телефон але valton30@hotmail.com электрон почто дене йодаш лиш.